



PRIVREDNA KOMORA KANTONA SARAJEVO

Broj: 04/MK/ 7 – 40/09

Sarajevo, 15.04.2009. godine

**BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO TRGOVINE
88000 Mostar, Ante Starčevića bb**

**Predmet: Prijedlozi, mišljenja i sugestije
na Nacrt Zakona o unutrašnjoj trgovini**

Na sjednici Savjeta za trgovinu Privredne komore Kantona Sarajevo, održanoj 13.03.2009. godine, razmatran je Nacrt Zakona o unutrašnjoj trgovini, kojeg je Vlada Federacije BiH utvrdila sredinom marta i uputila u parlamentarnu proceduru.

Sjednici Savjeta za trgovinu prisustvovali su:

Ispred Predlagača: Đula Đukić, Federalno ministarstvo trgovine

Članovi Savjeta Komore: Aida Avdukić - MERCATOR, Dževdet Ibršimović - LISCA, Dževad Trlak - GORENJE COMMERCE, Almin Hamzić – DRVOPROMET, Azra Sadović – GRADITELJ – OPREMA, Giner Hanić – RIMEKO, Neira Abazović Horman i Suada Feriz – ROBOT GENERAL TRADING.

Predstavnici medija: FENA, Dn „SAN”, ONASA, Hayat TV, TV ALFA, TVSA, Dnevni avaz i Oslobođenje.

Predstavnici Komore: Kemal Grebo, predsjednik Privredne komore Kantona Sarajevo, mr. Irfan Mehičić, potpredsjednik Komore, Mubera Kadrić i Esad Ibišević, direktori centara, koordinatori Azemina Ćerimagić, Lejla Zečević-Selmanović i Elvira Baždar.

Članovi Savjeta za trgovinu Privredne komore Kantona Sarajevo su u veoma konstruktivnoj raspravi o Nacrtu Zakona o unutrašnjoj trgovini usvojili sljedeća mišljenja, sugestije i prijedloge:



71000 Sarajevo, La Benevolencija 8,
Tel. (00 387 33) 250 100, 250 101, 250 196, Fax: (00 387 33) 250 137, 250 139
www.pksa.com.ba; webmaster@pksa.com.ba

MIŠLJENJA I SUGESTIJE

- Učesnici u raspravi pozitivno su ocijenili opredjeljenje Federalnog ministarstva trgovine da omogući privrednicima Kantona Sarajevo da iskažu svoje stavove, sugestije i mišljenja na ovaj zakon koji je od velikog značaja za njihov rad i poslovanje.
- Ponuđena zakonska rješenja predstavljaju značajna poboljšanja u uređenju trgovinske djelatnosti u odnosu na sadašnji Zakon, prije svega kroz pojednostavljivanje postupka otpočinjanja obavljanja trgovačke djelatnosti i pribavljanja odobrenja za obavljanje iste s ciljem skraćivanja rokova i smanjenje troškova postupka, usklađivanje sa drugim zakonskim rješenjima i sl. (Zakon o zaštiti potrošača u BiH, Zakon o konkurenciji i dr.).
- U cilju otklanjanja određenih nejasnoća, koje bi mogle proizvesti teškoće u primjeni Zakona, trebalo bi preciznije definisati pojedine odredbe bez obzira na to što su one detaljnije regulisane drugim propisima.
To se, između ostalog, odnosi na jasnije definisanje: **prodaju od vrata do vrata, prodaja na daljinu, pružanje usluga tržnice na malo, prodaja robe na štandovima i klupama izvan tržnica, trgovačkih knjiga u elektronskoj formi (obzirom na razvijenost informacionih tehnologija), legalizacija proizvodnje i prodaje hrane u trgovačkim centrima i dr.**
- Učesnici u raspravi smatraju opravdanim opredjeljenje da se formira i istakne cijena robe koja se stavlja u promet u domaćoj valuti, u apoenima novčanica koja su u opticaju u BiH, ali ova odredba stvara probleme u trgovanju sa robom u velikim količinama i td. Smatraju da bi trebalo imati niže apoene novčanica kao što je to slučaj sa drugim zemljama.
- Radi usaglašavanja postupaka pri primjeni Zakona o unutrašnjoj trgovini bilo bi korisno organizovati sastanak sa svim organima i institucijama, čija je djelatnost povezana sa trgovinom (Ministarstvo vanjske trgovine i ekonomskih odnosa BiH, Ministarstvo trgovine Federacije BiH, nedležni organi Kantona Sarajevo, inspekcije, Udruženje potrošača i dr.).
U raspravi su naglašeni problemi različitog pristupa inspekcijskih organa, isticanja cijena na svaki proizvod što bi se moglo efikasnije riješiti kroz uvođenje čitača koda u svim maloprodajnim objektima, i niz drugih pitanja, koja se ne mogu rješavati samo kroz primjenu ovog zakona, nego je potrebno izmijeniti pojedine odredbe drugih zakona u kojima se tretira djelatnost trgovine.
Ovaj sastanak bi mogla pripremiti i organizovati Privredna komora Kantona Sarajevo.

PRIJEDLOZI

1. **Član 2. stav 2.** mijenja se i glasi: „Pravna i fizička lica koja se bave trgovinom na osnovu registracije, odnosno rješenja kojim se odobrava obavljanje trgovine i trgovačkih usluga smatraju se Trgovcem u skladu sa uslovima propisanim ovom zakonom.

Obrazloženje:

Inverzijom riječi u ovom stavu jasnije se definiše „trgovac” kao pravno i fizičko lice koja se bave trgovinom od tradicionalnog shvatanja trgovca, što otklanja zabunu u shvatanju ovog pojma.

2. **U članu 8. stav 3. iza riječi „štandovima i” briše riječ: „klupama”, a dodaje riječ „stolovima”.**

Obrazloženje:

Odredba po kojoj se prodaja robe može obavljati i na klupama izaziva nejasnoće, pa i zloupotrebe u primjeni, to se predlaže da se riječ „klupama” zamijeni sa riječi „stolovima”.

3. **U članu 12. stav 5.** bi se trebalo regulisati da će se podzakonskim aktom **propisati forma i sadržaj ovjerene pisane izjave** koja se dostavlja nadležnom organu i kojom se potvrđuje da prodajni objekat ispunjava zakonom propisane uslove.

Obrazloženje:

U cilju spječavanja zatvaranja prodajnog objekta zbog nedovoljnog poznavanja propisa lica koje otvara prodajni objekat, otklanjanja različitih tumačenja inspeksijskih organa i sl., potrebno je da Ministar propiše formu i sadržaj ovjerene pisane izjave koja se dostavlja nadležnom organu i kojom se potvrđuje da prodajni objekat ispunjava zakonom propisane uslove.

4. **Član 51. stav 2.** iza riječi: „trgovac ili” brisati riječi ”udruženja trgovaca”, a dodati riječi: „nadležna privredna komora kantona.”

Obrazloženje:

U Federaciji Bosne i Hercegovine ne postoje udruženja trgovaca.

Zakon o privrednim komorama u Federaciji BiH propisuje obavezu formiranja privrednih komora u kantonima i Federaciji BiH, u okviru kojih su formirana udruženja za pojedine privredne oblasti pa tako i za oblast trgovine.

Stoga treba riječi „udruženja trgovaca” zamijeniti sa riječima „nadležna privredna komora kantona”.

PREDSJEDNIK

Kemal Grebo, dipl.oec.